

Англид болд хяаальлгън хасгдлгън

ЛОНДОН. (ТАСС). Нидн джилин май сард бääснлää дүнъгцүүлхд, Англид болд хяаальлгън 15 шаху процент хасгдсна тускар английск газетс бичджәнә. Болд хяаальдж гаргългън хасгддгин учрнь, английск экономик кевтән дор орджахин уршг болджана, нег үлү болд хяаальдг промышленностин продукциг нургълдж олзлдг тосхлтин болн нефтяной промышленность дор орсна уршг мөн. Энүнә ашд «болд хяаальдг зәрм бешмүд көдлдгнь зогсагдв, болд прокат гаргълдг кесг завод болхла көдлмш кедгән уурулгдв» — гидж «Файнэншл таймс» газет бичджәнә.

Соединенн Штатст иим бääдл нег үлү икәр болджана, теңд болд хяаальдг промышленность зугл 40 процент күчән олзлдж көдлджәнә, иим йовдл Европд чигн бас болджана гидж газет цааранднь бичджәнә.